



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 43. Ferdinandus Barcinone periculo vitæ expositus.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A.C. 1492.

§. XLIII.

*Ferdinandus Barcinone periculo vitæ
expositus.*

Verum parum absuit, quin Ferdinandus Barcinone vitæ suæ jacturam fecisset; quippe hoc anno die septima Decembris, cum aulicorum ac Magistratum quamplurimis stipatus Palatium egrederetur, derepente Cataloniensis quidam rusticus, nomine Joannes Cannameres, subtus portam, quam Rex transibat, delitescens in eum irruit, ac districto gladio illum colum inter & humerum tanto furoris impetu vulneravit, ut certo certius trucidatus cecidisset, nisi torques aurea, quam perpetuo gestare assueverat, ictus violentiam hebetasset. Ferdinandus, accepto vulnere, a solita animi sui serenitate non modo nil penitus remisit, sed etiam cum omnes eum comitantes in Sicarium manus injicerent, ipse ulciscantium ardorem inhibuit, ac pacato animo reum custodiæ tradi præcepit, eo consilio, ut hujus confessione ceteri complices proderentur; satis enim sibi persuasum habebat, tam audax facinus conspirationis in se conflatae indicium fuisse. Dein Rex inspecto vulnere, ac prima manu curationi adhibita præcipue eo curas intendit, ut Regina de fati invidiam

*Marian. hist.
Hispan. l. 26.
c. 4.*

*Petrus Martyr Angli-
c. epist.*

*126. 127. &
132.*

*Strita An-
nal. tom. 5.
& l. 6. 12.*

vidia, & vulneris levitate edoceretur. Sæcul. XV.
A.C. 1492.
 Post hæc Sicario quæstioni subiecto, manifeste apparuit, hunc mente captum per quietem somniasse, quod Arragoniæ regnum ei jure competeret, Ferdinandus vero injustus illius detentor esset; quocirca Rex eum impune dimitti præcepit, nihilominus Rege inscio in illum lata est sententia, ut a quatuor equis in partes discerperetur; habita tamen dementiæ suæ ratione laqueo prævie suspensus obiit. Ceterum Ferdinandus sanato vulnere, sub finem Januarii cum tota aula Castellam reversus est.

§. XLIV.

Ruscinonis & Ceretanice Comitatum restitutio confirmata.

Ineunte anno Domini millesimo quadringentesimo nonagesimo tertio pacta de reddendis Ruscinonensi, & Ceretano Comitatibus tandem utrinque confirmata fuere. Cessionis hujus tabulas die decima octava Januarii Joannes Coloma Ferdinandi Regis Minister, & nomine Caroli VIII. Ludovicus de Ambasia Albiensis Episcopus Narbonnæ signabant. Ve-Marian, ibi.
 Verperpinianenses Hispanorum imperio insensu, datis ad Borbonii Ducissam literis hujus pacti executioni obluctati sunt: at insuperhabitis, quas in epistola allegabant,